



Nissedal kommune

Rådmann

Vår ref.	Sakshandsamar:	Arkivkode:	Dato:
2008/1043-23	Jarle Bruun Olsen,35048403	200	10.08.2011

Rutine for finansforvaltninga, jfr. finansforskrifta §8. (endeleg framlegg).

Formål:

Rutinen skal sikre at administrativ handsaming og oppfølging av den laupande finansforvaltninga samsvarar med kommunen sitt reglement for finansforvaltning.

Innhald:

- I. Delegering av avgjerdsmynde
- II. Rapportering
- III. Eigenhandel driftslikviditet
- IV. Eigenhandel låneportefølje
- V. Åjourhald

I. Delegering av avgjerdsmynde

§1 Det vert delegera rådmannen mynde til å gjera eigenhandel og gjera avtaler om kjøp og sal av finansielle instrument på vegne av kommunen, innanfor fyljande forvaltningsområde:

- driftslikviditet
- forvaltning av låneportefølje

§2 Driftslikviditet:

§2.1 Fyljande personar kan på vegne av kommunen gjera avtaler om kjøp og sal av finansielle instrument innanfor finansreglementet si ramme for forvaltning av driftslikviditet: Rådmann

§2.2 Fyljande personar skal kontrassegnere avtaler om kjøp og sal av finansielle instrument innanfor finansreglementet si ramme for forvaltning av driftslikviditet: kommunalsjef økonomi.

§3 Forvaltning av låneportefølje:

§3.1 Fyljande personar kan på vegne av kommunen gjera avtalar om kjøp og sal av rentesikringsinstrument innanfor finansreglementet si rammer for forvaltning av låneportefølja: Rådmann.

§3.2 Fyljande personar skal kontrassegnere avtaler om kjøp og sal av rentesikringsinstrument innanfor finansreglementet si ramme for forvaltning av låneportefølja: kommunalsjef økonomi.

II Rapportering

§1 Kommunestyret skal innan 30. juni og 30. oktober ha rapport om finansforvaltninga for hv. 1. og 2. tertial. I tillegg skal kommunen si årsrapportering omfatte rapporteringa av finansforvaltninga for heile året. Ansvar: kommunalsjef økonomi.

§2 Rapporten til kommunestyret skal minst tilfredsstillende innhaldet i rapporteringsmalen i pkt. 7 i reglementet. Ansvar: kommunalsjef økonomi.

§3 Utover §1 skal kommunestyret ha tilsvarande rapportering snarast råd dersom utviklinga i finansmarknadane endrar seg vesentleg, eller tilsvarande for tapsrisikoen i porteføljen. Ansvar: kommunalsjef økonomi.

III. Eigenhandel driftslikviditet

§1 Denne rutine omfattar alle avtaler om kjøp og sal finansielle instrument innanfor dei rammer som gjeld for forvaltninga av driftslikviditet.

§2 Slike handlar kan bare utførast av dei personar som er nemnd i instruks I §3.

- §3 Alle sluttsetlar/bilag skal bli kopiert og arkivert i kommunen sitt sak/arkivsystem. Ansvar: kommunalsjef økonomi.

IV. Eigenhandel låneportefølje

- §1 Rådmannen har fullmakt til å gjennomføre låneopptak som fylje av refinansiering av eksisterande lånegjeld og opptak av nye lån i samsvar med vedtak gjort av kommunestyret. Ordførar må underteikne lånedokument.
- §2 Dersom godkjenning av låneopptak etter kommunelova §60 er nødvendig kan ikkje låneopptak bli gjennomført, før slik godkjenning er innhenta. Ansvar: kommunalsjef økonomi.
- §3 Alle låneopptak skal bli gjennomført etter ein tilbodsrunde der minst 2 aktuelle långjevarar blir invitert til å gje bod. Ansvar: kommunalsjef økonomi.
- §4 Det skal førast protokoll for tilbodsrunnen, denne skal bli arkivert i kommunen sitt sak/arkivsystem. Ansvar: kommunalsjef økonomi.
- §5 Innanfor dei rammer som fylgjer av finansreglementet kan dei personar som er nemnd i kap. I.§4 utføre kjøp og sal av rentesikringsinstrument. Ansvar: kommunalsjef økonomi.
- §6 Alle avtaler i samband med kjøp og sal av rentesikringsinstrument skal bli kopiert og arkivert i kommunen sitt sak/arkivsystem. Ansvar: kommunalsjef økonomi.

V. Ajourhald

- §1 Ved endringar i finansforskrifta skal det sytast for at finansreglementet vert oppdatert, ved at det vert lagt sak fram for kommunestyret med tilråding om endringar. Ved endringar i finansreglementet skal det sytast for at rutinane vert oppdatert. Ansvar: kommunalsjef økonomi.

Jfr. §3 i forskrifta og pkt. 13c. skal rådmannen syte for at det i kommunen er tilstrekkelig kompetanse om finansforvaltning til å utøve finansforvaltning i tråd med det til einkvar tid gjeldande finansreglement. Dersom det vert kjøpt forvaltningstenester frå eksterne aktørar, skal likevel kommunen ha naudsynt kompetanse til å kontrollere om forvaltninga utøvast i tråd med finansreglementet, kommunelova og forskrift om kommunars si finansforvaltning. Ansvar: rådmann.